



THE SCHOOL BOARD OF BROWARD COUNTY, FLORIDA

7720 W. Oakland Park Blvd. • Sunrise, Florida 33351 • Office: 754-321-0215 • Fax: 754-321-0235

Food and Nutrition Services Department
Mary Mulder, Executive Director
754-321-0215
Mary.mulder@browardschools.com
www.browardschools.com

The School Board of
Broward County, Florida

Lori Alhadeff, Chair
Debra Hixon, Vice Chair

Torey Alston
Brenda Fam, Esq
Daniel Foganholi
Dr. Jeff Holness
Sarah Leonardi
Nora Rupert
Dr. Allen Zeman



www.myschoolapps.com

Dr. Howard Hepburn
Superintendent of Schools

Pou Fanmi/Gadyen Legal:

Premye jiyè 2024

Lekòl Piblik Broward County sèvi manje nourisan chak jou. Nap kontinye sèvi dejene gratis pou tout elèv nan kad Pwogram Dejene Inivèsèl Gratis nan 47 lekòl patisipan, Pwovizyon Elijibilite Non-Kominotè (Non-CEP). Pou Ane Eskolè 2024/2025, Depatman Sèvis Manje ak Nitrisyon/Food and Nutrition Services Department ap kontinye jere Pwogram Lench Inivèsèl Gratis pandan dezyèm ane pwogram la. Pwogram Pilot Lench Inivèsèl Gratis sèvi lench (manje midi) pou tout elèv nan Lekòl Non-CEP.

Pwogram Pilot Lench Inivèsèl Gratis 2zyèm Ane ap konmans le 12 Out, 2024 epi ap fini le 3 Jen, 2025. Paran, soutni Pwogram Pilot Lench Inivèsèl Gratis 2zyèm Ane, li enpòtan pou paran konplete yon aplikasyon sou sit entènèt pou Ranbousman Pri Manje epi jwenn opòtinite Benefis adisyonèl Distri a ofri.

Pou ou kapab aplike pou benefis Manje gratis oswa pi bon mache (Free or Reduced-Price Meals), ranpli yon aplikasyon pou benefis manje nan sit Entènèt www.myschoolapps.com. Si ou pa kapab ranpli yon aplikasyon nan Entènèt, kontakte biwo Food and Nutrition Services nan nimewo 754-321-0250 epi mande pou yo voye ba-ou yon aplikasyon sou fòm papye Multi-Child Application for Meal Benefits (Aplikasyon pou Benefis Manje pou plizyè timoun.) Si ou ranpli yon aplikasyon sou fòm papye, tanpri retounen fòm nan nan adrès: Food and Nutrition Services, 7720 W. Oakland Park Boulevard, Suite #304, Sunrise, Florida, 33351. Lè nou fin verifye aplikasyon-ou, nap fè ou konnen nan yon notifikasyon si pitit-ou elijib pou benefis manje. Ou kapab resevwa notifikasyon-an nan imel-ou (adrès elektwonik) ou ban-nou pou kontakte-ou oswa nan lapòs.

Kantite moun nan kay-ou ak revni (inkòm) chak moun dapre kritè ki tabli, sèvi pou detèminen elijibilite. Nou pap kapab apwouve yon aplikasyon si li pa gen ransèyman konplèt konsènan elijibilite. Yon fwa aplikasyon-an apwouve, avantaj benefis manje valab pou tout yon ane eskolè; li pa nesèsè pou notifiye biwo Food and Nutrition Services sou chanjman sitiyasyon fanmi-ou tankou kantite moun ki nan kay-la ak revni chak moun. Ou kapab aplike pou avantaj benefis manje nenpòt lè diran ane eskolè-a. Si yon moun nan kay-ou pèdi travay-li oswa sitiyasyon fanmi-an ta vin chanje, pitit-ou kapab elijib pou benefis manje gratis oswa pi bon mache. Nou va itilize enfòmasyon ki sou aplikasyon-an sèlman pou detèminen elijibilite epi yo kapab verifye enfòmasyon-an nenpòt lè diran ane eskolè-a.

Yo blije kay ki resevwa benefis Florida SNAP (Supplemental Nutrition Assistance Program), Florida TANF (Temporary Assistance for Needy Families) oswa FDPIR (Food Distribution Program on Indian Reservations), pou yo ekri sou aplikasyon-an non timoun-nan, non ak nimewo dosye valid (case number) Florida SNAP, Florida TANF oswa FDPIR pou moun kap resevwa benefis-la, ak siyati yon granmoun nan kay-la ki dwe siyen aplikasyon-an. Lè yon nimewo dosye youn nan twa pwogram asistans parèt sou aplikasyon nenpòt manm ki rete nan kay-la, tout timoun ki nan kay-la elijib pou benefis manje gratis. Timoun ki rete nan kay kap patisipe nan WIC (Special Supplemental Nutrition Program for Women, Infants and Children) kapab elijib pou benefis manje gratis oswa pi bon mache.

Si ou gen timoun ki migran, timoun san lojman, timoun ki sove oswa timoun Leta plase lakay-ou k'ap viv nan menm kay ak ou, epi lekòl-la pat fè ou konnen timoun-nan kapab jwenn benefis manje gratis, tanpri kontakte Kowòdinatè Distri-a pou migran nan nimewo telefòn 754-321-1400, oswa moun ki Lyezon pou elèv san lojman/ki sove nan nimewo 754-321-1566 oswa Lyezon pou timoun Leta plase lakay-ou nan nimewo 754-321-1565 pou konnen si timoun-la kalifye.

Pou detèminen kantite moun ki nan kay-ou, yo konsidere militè fòs Lame ki deplwaye, kòm manm kay-ou. Fanmi dwe mete sou aplikasyon-yo non militè aktif ki nan Lame. Rapòte sèlman pòsyon revni militè-a touche oswa pòsyon salè yo bay fanmi-an onon-ni. Diplis, si lojman-ou fè pati Military Housing Privatization Initiative pa enklè alokasyon ou resevwa pou lojman kòm inkòm. Si lojman-ou fè pati Military Housing Initiative oswa ou touche salè konbatan, pa enklè alokasyon yo ba-ou kòm inkòm. Si lame peye pou lojman-ou pou ou ka rete andeyò enstalasyon militè, enklè sa kòm inkòm.

Tout lòt kay dwe founi ransèyman-sa-yo sou aplikasyon-an: non tout timoun ak granmoun kap viv nan kay-la, non lekòl kote chak timoun ale; salè total pou chak moun nan kay-la, konbyen fwa chak moun nan kay-la te touche revni-la (inkòm), ak kalite revni (egzanp, salè, lajan pou sipòte pitit-ou – child support, elatriye); tcheke pa gen revni "no income" nan kare-a lè sa aplikab; ekri kat dènye chif nimewo kat sosyal sekirite (Social Security Number) granmoun kap siyen aplikasyon-an oswa tcheke kare-a si granmoun kap siyen-an pa gen yon nimewo kat sosyal; siyati granmoun ki siyen-an sèltye enfòmasyon ki sou aplikasyon-an kòrèk. Si ou fè tan sipleman (ovètaym) regilyèman, enklè sa ou touche pou ovètaym, men si ou fè ovètaym pafwa, pa enklè montan-an. Ou-menm oswa pitit-ou pa bezwen sitwayen ameriken (sitizenn) pou nou kalifye pou manje gratis oswa pi bon mache. Ou kapab mete sou yon sèl aplikasyon non timoun Leta plase lakay-ou (foster child) ak tout lòt manm ki nan kay-ou. Si fanmi ki akèyi timoun-nan pa elijib pou benefis manje gratis oswa pi bon mache, sa pap anpeche timoun-nan (foster child) jwenn benefis manje gratis pou li-menm.

Dapre pwovizyon regleman Free and Reduced-Price Meal Policy, Kowòdinatè Benefis Manje (Meal Benefits Coordinator) va revwa aplikasyon-yo epi detèminen elijibilite. Si ou pa dakò avèk desizyon fonksyonè-a pran, ou ka vle diskite sa ak li yon fason enfòmèl. Kontakte fonksyonè-a nan biwo Food and Nutrition Services nan nimewo 754-321-0250. Si ou pito konteste desizyon-an fòmèlman, ekri: Mary Mulder, Executive Director of Food and Nutrition Services, 7720 W. Oakland Park Boulevard, Suite #204, Sunrise, Florida, 33351 oswa relefonen 754-321-0215.

| Tablo revni (inkòm) gouvènman federal apwouve epi ki valab pou elijibilite | | | | | |
|--|----------|----------|------------------|----------------|-------------|
| Pitit-ou kapab elijib pou benefis manje gratis oswa pi bon mache si dapre tablo-sa-a revni-ou (inkòm) tonbe nan limit oswa pi ba revni ki apwouve. | | | | | |
| Kantite moun nan kay-la | Chak ane | Chak mwa | De fwa nan mwa-a | Chak de semenn | Chak semenn |
| 1 | 27,861 | 2,322 | 1,161 | 1,072 | 536 |
| 2 | 37,814 | 3,152 | 1,576 | 1,455 | 728 |
| 3 | 47,767 | 3,981 | 1,991 | 1,838 | 919 |
| 4 | 57,720 | 4,810 | 2,405 | 2,220 | 1,110 |
| 5 | 67,673 | 5,640 | 2,820 | 2,603 | 1,302 |
| 6 | 77,626 | 6,469 | 3,235 | 2,986 | 1,493 |
| 7 | 87,579 | 7,299 | 3,650 | 3,369 | 1,685 |
| 8 | 97,532 | 8,128 | 4,064 | 3,752 | 1,876 |
| Pou chak manm fanmi, ajoute | 9,953 | 830 | 415 | 383 | 192 |

Ou kapab kontakte biwo Food and Nutrition Services nan telefòn, nimewo 754-321-0250 oswa voye yon imel nan adrès elektwonik freereducedmeals@browardschools.com, si ou gen keksyon oswa ou bezwen asistans.

Avèk respè,

Mary Mulder

Egzekitif Direktè, Food and Nutrition Services

An konfòmite ak lwa federal ak politik ak règleman dwa sivil Depatman Agrikilti Etazini (USDA), li entèdi pou enstitisyon sa a fè diskriminasyon sou baz ras, koulè, orijin nasyonal, sèks (ki gen ladan idantite seksyèl ak oryantasyon seksyèl) laj, andikap, ak reprezay oswa revanj pou aktivite dwa sivil ki te fèt anvan. Yo ka rann enfòmasyon sou pwogram nan disponib nan lòt lang apre Anglè. Moun andikape ki bezwen mwayen altènativ kominikasyon pou enfòmasyon sou pwogram nan (pa egzanp Bray, gwo lèt, kasèt odyo ak Lang Siy Ameriken) dwe kontakte Akans Eta oswa lokal responsab ki administre pwogram nan oswa Sant SIB USDA a nan (202) 720-2600 (vokal ak TTY) oswa kontakte USDA atravè Federal Relay Service nan (800) 877-8339. Pou depeze yon plent pou diskriminasyon nan yon pwogram, moun k ap depeze plent lan dwe ranpli yon Fòm AD-3027, Fòm Plent pou Diskriminasyon nan Pwogram USDA, ke li ka jwenn sou entènèt, nan <https://www.fns.usda.gov/sites/default/files/resource-files/ad3027-haitiancreole.pdf>, nan nenpòt biwo USDA, lè li rele (866) 632-9992, oswa lè li ekri yon lèt ki adrese a USDA. Lèt la dwe gen non moun k ap pote plent lan, adrès li, nimewo telefòn li, ak yon deskripsyon ekri prezime aksyon diskriminatwa a avèk ase detay pou enfòm Asistan Sekretè pou Dwa Sivil yo (ASCR) konsènan nati ak dat yon prezime vyolasyon dwa sivil. Fòm AD-3027 ki ranpli oswa lèt la dwe soumèt bay USDA pa : Lapòs: U.S. Department of Agriculture Office of the Assistant Secretary for Civil Rights 1400 Independence Avenue, SW Washington, D.C. 20250-9410; oswa faks: (833) 256-1665 o' (202) 690-7442; o' imel: program.intake@usda.gov. Enstitisyon sa a ofri egalite opòtinite